

صوکره ایکی برادر اوزمانه قدر موزه خانه ده متفرق و پریشان بر حالده بولسان قدیم حیوانات اسکلتلری جمع و ترتیب ایله الیوم تاریخ طبیعی دائرة سنک اک مهم اقسامندن برینی تشکیل ایدن بوکوزل قوللکسیونی تنظیم ایتمکک باشلادیلر. «قووی» بوسایه ده تاریخ طبیعینک «مستحانات» قسمته عابد اولمق اوزره یکی بر مجت ایجادینه موفق اولدی. (۱۷۹۵) و اواخرنده دارالفنون اعضالغنه تعیین اولمغله بوجمیت فیه نک ایلمک اجتماع عمومیسنده مخلوقات قدیمیه متعلق مطالعات و تدقیقاتی قبول ایتمکله برابر علم الارضه، علم نباتاته و علم حیواناته شامل اولان کندی اشتغالات نافعسنی دخی هیئت فیه نک نظر دقتنه عرض ایتدی.

ایکی سنه صوکره بو بابده کی تبعاتی اکمال ایتمش اولدینی حالده «مبادی علم حیوانات» نام کتابی نشر ایله دی که بو اثر قیتمدار هر نوع حیواناتک، علامات متمایزه اعتباریله تصنیفی اساسنه مستند اولوب زمانزده دخی بالجله حیواناتک صنفله تقسیمی خصوصنده اساس اتخاذ اولمشدر.

زماننده فرانسه ایمراطوری بولنان بیوک نابولیون کنندیسنی دارالفنون رئیسک اوطه سنده کوروب طانیمش اولدیغندن اک پارلاق کونلرنده بیهل کنج معلمی اونومه دی.

«قووی» بوندن صوکره صرهمسیله دارالفنون مفتش عمومیلکنه، بالذات ایمراطورک شوالیه لکنه، شورای دولت معاونلکنه تعیین اولندرق اک نهایت علوم وفنونک (۱۷۸۹) دن (۱۸۰۸) قدر مشاهد اولان ترقیاتی حقنده مکمل بر لایحه تنظیمه مأمور اولمش و (۱۸۱۰) ده، هر اون سنده بر دفعه بو یولده اجرای تدقیقات اولندرق مساعیلری تقدیر ایدیلن ارباب هنر و معرفته مکافات اعطاسی اصولی تأسیس ایتمشدر. (۱۸۱۳) ده فرانسه ده سرزده ظهور

اولان وقایع متأسفه اثناسنده «قووی» شورای دولته جلب اولمغله «رن» حدودینک اسباب مدافعسنی ترتیب ایتمک مأموریتی قبول ایله دی.

او صرهمده فرانسه ده بوربون خاندان قرالیمی اعاده اقتدار ایتمش ایسده «قووی» اشبو مأموریت مهمسنده ابقا اولمش و موقع مأموریتی انجق نابولیونک تکرار پارسه دخولی مدتنده ترک ایتمشدر. بوربون خاندانی ایکنجی دفعه اوله رق اعاده حکومت ایله دیکی زمان «قووی» مأموریت حالیه سنه علاوه مذاهب نظارتنه، دارالفنون اعضالغنه، سناتیوه و سائر مأموریتلره تعیین اولندیگی کبی لهژیون دونور نشانک غران اوفیسیه و نهایت بارون رتبلرینی نائل اولدی.


«قووی» بو آراق مالک اولدینی نفوذ و اقتداری مملکتک اصلاحندن و معارفجه ترقیاته باعث اوله جق موادک اجرا سندن باشقه هیچ بر حتمده استعمال ایتمه دی.

مع مافیه «قووی» خصوصیت احوالجه بر چوق آلام واکداره دوچار اولمش ایدی. ۱۸۰۳ سنه سنده طول «مادم دو ووه سل» ایله عقد رابطه ازدواج ایدوب بر برینی متعاقب دنیایه کلان اوچ اولادینک آجیسنی کورمش واک صوکره «قله مانین» اسمنده بر قز جغزی قالمش ایکن آنکده یکر می ایکی یاشنده ایکن وفات ایدیورمه سی (۱۸۲۷)

آرتق کنندیسنی بسبتون قوتدن دوشورمش و بوندن صوکره انجق بر قاق سنه یاشایه ییلمشدر. ۱۸۳۲ سنه سی مایسنک سکرنجی کونی، او خنجی دفعه اوله رق فرانسه مکتب عالینده علوم طبیعی درسلینه باشلادینی زمان وجودنده بر خسته لک حس ایدره ک بش کون صوکره (۱۳ مایس سنه ۱۸۳۲) اکمال انفاس معدوده حیا ایله مشدر. مسقط رأسی اولان «مون به لیار» قصبه سنده کندی نامنه برهیکل رکز ایدلمش و بر نصف هیکلی ده موزه

کتبخانه سنک بر صالوتی ترین ایتمکده بولمشدر.

بوراده «قووی» نک مقداری پک زیاده اولان آثار و مؤلفاتیه مخرطه ولایحه لری تعداد ایدلیوب یالکز «مبادی علم حیوانات»، «تشریح تطبیقی درسلی» «عظام مستحانات حقنده تفصیلات»، «بالقارک تاریخ طبیعی» نام اثرلیله بو فونک آثارینه علاوه اولمق اوزره یازدینی مکمل بر کتابی ذکر ایله اکتفا اولمشدر.



«تاریخ طبیعیه بر صوفیه»

دوه قوشی

دوه قوشی طیورک اک جسیی ایسده ترکیب بدنسی اعتباریله درت ایاقلی حیواناته ده زیاده مشاهد. وجودی ثقیل، قناد لری ایسه قصه اولدیغندن طیور سائر کبی اوچق شرفندن محرومدر؛ آنجق بوکا مقابل قوشتمده فوق العاده ماهر اولوب بو خصوصده اک چویک واک حشاری آتله بیهل تقدم ایدر.

یوکسکلکی تقریباً ایکی مترو اولوب وجودینک ثقتی آز و یاچوق یاغلی اولمه سی اعتبارلرینه کوره اوتوزدن الی کیلو غرامه قدر بالغ اولور. بحاقلری اوزون و قالچلری ایسه همان انسان قالچله سی قدر قایلندر. بیوک واتلی اولان آیاقلرنده آنجق ایکی پارماغی بولنوب مع هذا دوه آیاقلرینه پک زیاده مشاهقی واردر. بونی اوزون و اینجه، باشی اوافق و یاصیحه اوله رق کوزلرینک اطرا فیده فیل کوزلری کبی کیرپیکلر ایله محاطدر. دوه قوشنک رنکی عمومیتله سیاه و پارلاقدر. ارککلرینک قوروقلریله قناد

اوجلرندن چکین کوزل توی قیلر شاطو -
لرده تزینات مقامنده استعمال اولنور .
بو حیوانلر آفریقا قطعه سی ایله جوار
آطلرده و عربستان قطعه جسمه سنده یاشار
و کثرنلی سوریلر تشکیل ایدرهک مجتمعا کوزلر .
بو سوریلر اوزاقدن سواری بلوکلرینه
بکزه دیله بیلیر . بونلر قوراق و محصولسز
صحرا لری سورلر و دائما انساندن اوزاق
قاجارلرایسده کندیلرندن استفاده په آلیشمش
اولان صیادلر بونلری آولامق ایچون
بولندقلری وحشی محالره قدر کیدرلر
و خصوصیه بر چوجق قفاسی جسامتده
و تقریباً بر بچق کیلو ثقلتده اولان یورطه -
لرینی حاوی مسکنلرینی تحری ایدرلر .

دیشی دوه قوشلری اوچی دردی
برلشهرک قوملر ایچنده مدور بر چقور
آچوب اوراده یومورطلارلر . اوندن اون
ایکی په قدر بالغ اولان بویومورطه لک اوزرنده
نوبته اوتورلر . کچه لری چقال ، یبانی کدی
کبی یومورطه اکنه حریص اولان حیوانات
وحشیه نك مهاجماتی دفع اتمک ایچون
ارککلری دینبانلق خدمتی ایضا ایدرلر .
ایچوروسی بوشالمش اولان یومورطه قابوقلری
بر مدت هوایه معروض قانجه فیل دیشنه
مشابه بر سرتلک حاصل ایدرلر . اشبو قابوقلر
تزینات مقامنده جوامعک قبلرینه تعلیق
وبونلر دن کاسه لر دخی اعمال اولنور .

اقالم حاره ده هوانک حرارتی یومور -
طه لری جانلاندیرمه کفایت ایتدیکی جهته
دوه قوشلری اوزرنده یاغمه لزوم کورمزلر .
دوه قوشلری علی العموم حبوبات ،
وحشرات و تازه نباتات ایله تعیش ایدرلر
ایسنده بونلر تسکین جوع ایچون اکثراً
هرنه بولورلرایسه اکل و بلع ایدرلر : چاقل
طاشلری ، تیمور ، کیمک ، باقر کبی مواد ایله
مسکوکات پارچه لرینی یوندقلری چوق دفعه
کورولشدر .

دوه قوشلرینک قوشمقده کی سرعتی
ضرب مثل صره سنه کچمش و قوت بدنیه لری
ایسه انسان طاشیه بیله چک وینک خدمتی
ایفا ایدرهک قدر زیاده و مکمل بولمشدر .
مدت مدیده آفریقاده اقامت ایدن
بر سیاح اوراده برانکلیر تجارخانه سنده
مانوس ایکی عدد دوه قوشی کوردیکی
و بونلر ایکیشر یاشنده اولوب تویلری ده
دوکلش بولندیغنی حکایه ایتشدر . سیاح
مومی الیهک روایتیه کوره بونلرک بیو کجیسی ،
اوزرینه ایکی حبشی راکب اولدیغنی حالده بیله
پک زیاده سرعتیه قوشمقده و بولندقلری قصبه نك
اطرافنده بر قاچ دفعه لر طولاشه بیلکده
اولوب کچه چکی محل سد ایدلمکجه توقیفی
ممکن اوله ماز و سرکشلکده نهایت درجه ده
عناد و اصرار کوسترر ایش .

دوه قوشی اتی یمکله مألوف بعض
قبائل بونلری طوزاقله صید ایدرلر ایش .
حیوانه تقرب ایدرهک ایچون ینه کندی
پوستلرینی تلبس ایدرهک و صاغ اللرینی
پوستک بوینلرینه کچیره رک کویا جانی ایش
کبی حرکت ایتدیرلر و دیگر اللر یله ده
قوشلری طوزاغه جلب ایچون یم صاچارلر
ایش . لکن بواصول شمعی جاری اولوب
بدویلر دوه قوشنی آت ایله صید ایتمکده درلر .
اگر چه حیوان آله بیلدیکنه قوشمش اولسه
آت ایله یتیشه بیلک قابل اوله میه جفی درکار
ایسده بر خط مستقیم اوزرنده قوشه میوب
آز چوق منحنی بر دائره تشکیل ایتدکاری
جهته آتلور بوندن استفاده ایدرهک کندیلرینه
یتیشه بیلکده درلر . بویله سکز اون ساعت
تعقیبدن دوچار تعب اولندقلری حالده قوشلر
قنادرلرینی ده استعمال ایدرک ممکن اولدیغنی قدر
آوجیلرک الندن قور تولغه سعی و غیرت
ایدرلر . آنجق بوتدیرلری ده بیچاره لرک
تخلیصنه مدار اوله مادیغندن نهایت آوجیلرک
الرینه دوشهرک دکنکرله اولدیریلرلر . بویله
دکنیک ایله اولدیرلرینک سبی ایسه بر

طرفلری قنایوبده تویلرینک لکه لشماسی
ملاحظه سنه مبتنیدر .

بعض سیاحینک روایتلرینه نظراً دوه
قوشی فوق العاده صیقیشوبده آرتق صیاد
بی رحمک الندن قور تیله میه جفی حس ایتدیکی
زمان قفاسنی قنادرلرینک آراسنه صاقلار
وبو صورتیه کنیدیسی کورمه میه جکلر ظننده
بولنور ایش . قوشلرک قفاسی کندیلرنجه
اک مهم و نازک اعضادن بولمغه شوحر کتلی
بونک محافظه سنی تأمین ایش اولمقدن باشقه
بر شیئه مبتنی اولماق لازم کلیر . مع مافیه
غایت سرت اولان قنادر و ایاقلریله کندیلرینی
مدافعه ایدرلر و ایاقلریله برضربه برکوپکی
اولدیره بیلورلر .

دوه قوشنک صداسی پک ضعیف
و اینجه در . سیاحلر بونی قیصلش چوجق
صداسنه تشبیه ایدرلر .

سنگال جهتلرنده دوه قوشی صیدینه
مایسده باشلایر و جزایر جهته ده اولدیغنی
کبی اشبو صیدده آتلر دوچار تعب و مشکلات
اولماز . چونکه دوه قوشلری بو حوالینک
حرارت فوق العاده سنه تحمل ایدرهکدکاری
جهته عادی بر آت ایله آز زمان ایچنده
تقرب و صید ایدیلر بیلور . یاغمورلر باشلامز -
دن اول زیاده صیاق زمانلرده بو حیوانلر
سرینه مک ایچون کلیتی سوریلرله تا دکر
کنارینه قدر کلیرلر و قنادرلرینی صویه صوقارلر .
صیادلر بوسره ده اوافق قوم تپه لری آرقه -
سند کیزلره رک حیوانلر تمام صویه تقرب
ایتدکاری زمانلری هر جهتن اطرافلرینی
قوشاتورلر . بو حالده بیچاره قوشلر باشلرینی
قنادرلری آراسنه صاقلایه رق کندیلرینی
صویه آتارلر . تویلری تمامیه ایصلاندقندن
صوکره آرتق قلدانمغه مجاللری قالمادیغندن
صیادلر یوزه رک کندیلرینه یتیشوب برر برر
صید و اتلاف ایلرلر .